

SANCTISSIMI IN CHRISTO PATRIS
ET DOMINI NOSTRI

92

BENEDICTI. XIII PONT. MAX CONSTITUTIO


Regulare & claustrale institutum professos omnino prohibens quacunque de causa transire ad profitendam regulam alterius ordinis , in quo regularis & claustral is observantia non vigeat: item cujuscunque ordinis hospitalarii , aut militaris , vel etiam hospitalarii simul & militaris , licet in eis regularis & claustral is observantia vigeret . Facultas hujusmodi transitus imposterum concedendi reservatur uni summo Pontifici , præterea nemini .



ROMÆ MDCCXXVI.

Typis Reverendæ Cameræ Apostolice.

СИБИРСКАЯ КУЛЬТУРА
ИХ ПРОДОЛЖЕНИЕ
КАК ТРОЙ
СИГИТИНОГО



BENEDICTUS EPISCOPUS SERVUS SERVORUM DEI

Ad perpetuam rei memoriam.



Iacet sacra Tridentina Synodus, ut integratam disciplinæ regularium prospiceret, provido consilio statuerit, neminem cujuscunque ordinis Prælatum, vel Superiorem vigore cujusvis facultatis aliquem ad habitum & professionem admittere posse, nisi, ut in ordine ipso, ad quem transferatur, sub sui Superioris obedientia in claustro perpetuo maneat: & licet Pius Papa V. prædecessor noster Constitutionem ediderit, qua omnia privilegia abrogavit, quibuscumque ordinibus, monasteriis, hospitalibus, & locis piis olim concessa, excipiendi & retinendi Fratres, Monachos, Canonicos, aliosque, quamvis in ordine mitiori professos; prohibendo, ne illi imposterum ad habitum & professionem regularem admitterentur, etiamsi perpetuo manere & vivere deberent in clauistro; nihilominus viri pietate & prudentia conspicui nobis exposuerunt, se longa experientia didicisse, nosque ipsi, qui, Deo favente, hac ipsa die regulare institutum Ordinis Prædicatorum in adolescentia professi fuimus, & adhuc profitemur, saepè longo usu cognovimus, prædictas sanctiones & cautelas pro recta ordinum regularium disciplina, adversus calliditatem & malitiam hominum tuenda, parum sufficere. Siquidem compluries contigit, & in dies contingere videamus, quospiam, ordinis regularis, & claustralium institutum professos, deinde postquam illud apostasia deseruerunt, vel etiam aliquando sine apostasia, peculiares ob causas, ejusmodi transitus facultatem postulare & impetrare consueuisse a propriis Superioribus, se privilegium subditis suis regularibus eumdem transitum ad alias religiones concedendi, habere jaſtantibus; vel ejusmodi facultatem sibi dari procurare a S. R. E. Cardinalibus Legatis, vel ab ejusdem Ecclesiæ Cardinali majori Poenitentiario, & non raro a

I.
Quid Tridentina
Synodus, & Sanctus
Pius V. statuerint de
recipiendo ad pro
fessionem regularem,

Sessione XIV. cap. XI.
Sessione XV. cap. XXX.

Conf. lxxxix.

4

nostræ civitatis Avenionensis Vicelegato, vel ab alterutra ex Congregationibus venerabilium Fratrum nostrorum S. R. E. Cardinalium, negotiis Episcoporum & Regularium præposita, & sacri Concilii Tridentini interpretum. Quæ facultas transeundi ad profitendam regulam alterius religionis, in qua nulla vigeat claustral is & regularis obser vantia; vel in aliam religionem hospitalariam, aut militarem, vel hospitalariam simul & militarem, ubi etiam vigeat claustral is & regularis obser vantia; compluribus decretis earumdem Congregationum, & optimo statui ordinum regularium maxime oponitur.

I I.

Professi ordinem regulari & claustral em prohibemus transire ad ordinem, in quo regularis & claustral is obser vantia non vigeat, atque etiam ad ordines militares & hospitalarios, in quibus regularis & claustral is obser vantia vigeat.

Quare præcipua sollicitudo nostra erga omnes regularium familias, quas, veluti acies castrorum, ad excubias militantis Ecclesiæ ordinatas, magno & vere paterno amore comple timur, nos monet, ut præsenti Constitutione, in suo pleno robore & vigore perpetuis temporibus duratura, inter griori eorumdem regularium disciplinae providentes, prædictam corruptelam evellere studeamus. Itaque omnibus & singulis Regularibus, in quo cunque regulari & claustral ordine professis, transitum ad quemcunque alium ordinem, in quo claustral is & regularis obser vantia non vigeat, post maturam hac de re habitani deliberationem, motu proprio, & ex certa scientia omnino prohibemus. Transitum etiam ad quemcumque ordinem hospitalarium, vel militarem, vel hospitalarium simul & militarem, etiam si in hujusmodi ordinibus claustral is & regularis obser vantia vigeret; ac etiamsi ageretur de apostata, vel non apostata, a primævo suo ordine ad ejusmodi alium transire volente, parimodo prohibemus. Insuper quibuscunque Superioribus regulari, S. R. E. Cardinalibus Legatis, ejusdem R. E. Cardinali majori Penitentiario, Nunciis Apostolicae Sedis, Vicelegato Avenionensi, utrique Congregationi Cardinalium, negotiis Episcoporum & regularium præpositæ, sacri Concilii Tridentini interpretum, per præsentes tollimus, revocamus, & abrogamus quacunque privilegia, auctoritates, facultates, & consuetudines, ejusmodi transitum concedendi cuicunque regulari claustral i, apostata, vel non apostata, quacunque de causa; quamvis etiam consensus, tam Superioris, in cuius ordine antea professus fuerit, quam alterius Superioris, in cuius ordine novam professionem emittere voluerit. Nobis autem nostrisque successoribus Romanis Pontificibus pro tempore exstituris similes concessiones penitus reservan tis, ita ut im posterunt.

S.R.E.

S.R.E. Cardinales Legati , ejusdem R.E. Cardinalis major
Poenitentiarius , Nuncii Apostolicæ Sedis , Vicelegatus
Avenionensis , predictæque Congregationes in examine li-
bellorum supplicum, hujusmodi transitus postulantium , hac
de re nihil omnino decernere possint, nisi nostro vel Romani
Pontificis pro tempore existituri speciali rescripto, ejusmodi
libelli supplices ad illos remissi fuerint : quo rescripto etiam
obtento , nihilominus transitus facultatem , etiamsi causæ
eius concedendi summae viderentur , nullo modo concedere
valeant , nisi postquam nobis , & pro tempore existituro
Romano Pontifici , totius rei distincta & accurata relatio
facta fuerit , & postquam a nobis ipsis , vel a Romano Pon-
tifice pro tempore existituro earumdem causarum pondus ap-
probatum , & transitus facultas concessa fuerint .

Eisdem vero præsentibus literis nostris quoscunque transitus ,
non observato ad unguem harum tenore , imposterum fa-
ciendos , nullos & invalidos fore & esse declaramus ; Ordinariis locorum concedentes , vel ad illos extendentes eam-
dem facultatem procedendi in eos , qui deinceps , præsenti
Constitutione non observata , ad alium ordinem transire ,
ausi fuerint , quam Tridentina Synodus Ordinariis concessit
in regulares extra monasteria vagantes , & crimina commit-
tententes .

Decernimus quoque , præsentes de subreptionis , vel obreptio-
nis vitio , aut intentionis nostræ , vel quovis alio defectu
notari , seu impugnari , aut quacunque ratione , tanquam
fortasse contra alias Apostolicas , canonicasque sanctiones ,
jam pridem usu receptas , facientes , aut quovis alio quæsito
colore , in jus & controversiam vocari , aut invalidari , ac ad
terminos juris reduci , non posse ; sed semper validas , effica-
ces , ac perpetuo duraturas : sive in præmissis universis
& singulis per quoscunque judices ordinarios , & delegatos ,
ac S.R.E. Cardinales , etiam de latere Legatos , Vicelega-
tos , & Sedis Apostolicæ Nuncios , ac causarum palatiis Apo-
stolici auditores , sublata eis & eorum cuiilibet quavis aliter
judicandi , interpretandi , & definiendi facultate , & au-
toritate , judicari , interpretari , & definiti debere ; nec non
irritum & inane , si secus super his a quoquam quavis auctori-
tate , scienter , vel ignoranter contigerit attentari .

Quocirca mandamus universis locorum Ordinariis , ut , quando ,
ubi , & quoties opus fuerit , easdem præsentes solemniter
publicantes , eis in præmissis efficacis defensionis præsidio
assistent , non obstantibus Constitutionibus & ordinationi-
bus

III.

Transitus regula-
rium , non observata
hac Constitutione ,
nulli & invalidi .

Sessione VI. cap. 113.

IV.

Clausula derogatoria

5

bus Apostolicis, ac in Conciliis etiam generalibus editis quibuscumque: nec non ordinibus ejusmodi, etiam juramento, & confirmatione Apostolica, vel quavis alia firmitate roboratis: privilegiis quoque, indultis, literis Apostolicis, eisdem ordinibus, illorumque superioribus, & fratribus, quomodolibet, etiam plures concessis & approbatis: quibus omnibus & singulis etiamsi pro sufficienti illorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales, idem importantes, mentio seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum insererentur præsentibus, pro expressis habentes, illis alias in suo robore permanens, hac vice dumtaxat specialiter & expresse motu simili derogamus, ceterisque contrariis quibuscumque.

Nulli ergo omnino hominum liceat hanc paginam nostræ sanctionis, prohibitionis, decreti, mandati, voluntatis, & derogationis infringere, vel ei temerario ausu contraire. Si quis autem hoc attentare præsumferit, indignationem omnipotentis Dei ac Beatorum Petri, & Pauli Apostolorum ejus se noverit incursum.

Datum Romæ apud Sanctum Petrum anno incarnationis Dominica millesimo septingentesimo vicesimo sexto, Idib⁹ Februarii, pontificatus nostri anno secundo.

P. Cardinalis Prodatarius,

F. Cardinalis Oliverius,

VISA

De Curia J. Archiepiscopus Ancyranus

Lucas Martinettus.

Anno a Nativitate Domini millesimo septingentesimo vicesimo sexto, Indictione quarta, die vero 19. mensis Februarii, Pontificatus autem SS. in Christo Patris, & D.N. D. BENEDICTI, divina Providentia Papæ XIII, anno secundo supradictæ Literæ Apostolicæ affixa, & publicata fuerunt ad valvas Basilicarum, Lateranensis, Principis Apostolorum, & S. Mariæ Majoris de Urbe, & in Acie Campi Floræ, ac aliis in locis solitis, & consuetis per me Franciscum Bartolottum Apost. Cursorem.

Nicolaus Cappellus Magister Cursorum.

